



PASTORAL LETA 4

7th Oktoba 2012: Pestode bilong Maria Mama bilong Holi Rosari

Yia Bilong Bilip

Tenpela yia i go pinis Blessed Jon Pol II i bin givim dispela Apostolik leta “Rosarium Virginis Mariae “(Rosari bilong Virgo Maria), bilong strongim ol Katolik bilip manmeri long luksave gen long Rosari insait long ol lukluk na tingting i stap long Baibel, na tu long literji, na insait long laip bilong yumi long wanwan de” (RVM 43).

Em i tru olsem Rosari em i pre bilong Maria, tasol senta tru bilong Rosari em Jisas Krai, bikos long taim yumi preim Ave Maria, yumi save tingting bihainim ol Misteri long laip bilong Krai. Long dispela as tasol Blessed Jon Pol II i bin putim insait ol Misteri bilong Lait bai yumi save preim taim yumi kolim Rosari, bai yumi i ken save tingim gut laip bilong Jisas. Taim ol i putim ol Misteri bilong Lait i go insait, Rosari nau i kamap moa olsem summary bilong Gutnius bilong Jisas Krai na Krai i stap senta bilong en, wankain olsem yumi save painim nem bilong Jisas i stap namel tru long prea Ave Maria olsem yumi save tok: “Ol i onaim **JISAS** em i pikinini bilong bel bilong yu”.

Taim yumi mediate o tingting bihainim ol misteri bilong God i kamap man, laip na pen na dai na kirap bilong Jisas, i ken helpim long mekim bilip bilong yumi i kamap bikpela.

Olsem nau mi raitim dispela Pastoral Leta long Pestode bilong Maria Mama bilong Holi Rosari, *mi askim olgeta Katolik bilipmanmeri bilong Archdiosis bilong Rabaul long tingim gut dispela Yia bilong Bilip we klostu nau bai i stat long sampela de i kam: em long namba 11 de bilong mun Oktaba.*

Long dispela taim stret insait long wanpela yia i go pinis long 11 Oktaba, 2011, Pop Benedik XVI insait long Apostolik Leta bilong em “Porta Fidei,” (the Door of Faith o Dua bilong Bilip), em i tokaut olsem bai i gat wanpela Yia bilong Bilip. “Em bai stat long namba 11 de bilong mun Oktaba 2012, na tu i 50 yia bilong tingim stat bilong namba tu Vatican Council, na bai i pinis long namba 24 de bilong mun Novemba 2013.

Antap long en, “11 Oktaba 2012 i makim tu namba 20 yia bilong tingim kamap bilong Katikesmo bilong Katolik Sios, buk we, bihainim toktok bilong Blessed Jon Pol II, em i bilong “soim klia long olgeta bilip manmeri pawa na gutpela luklukbilong bilip”.

Moa yet tu, long 11 Oktaba 2012, General Asembli bilong synod bilong ol Bisop bai i stat wantaim astingting: “**Nupela Evaigelaiesesen bilong givim aut Kristen Bilip**”.

Mi bilip dispela em i gutpela taim tru long bringim Sios olgeta insait long wanpela taim bilong refleksen na bilong painim gen bilip.

Long yia 2005, Katolik Bisop Konferens i bin raitim wanpela Pastoral Leta long Catechetical Renewal, ol i kolim: “*Nuturing the Faith*” o “Groim na strongim Bilip”. Long dispela Pastoral Leta bai mi usim Pastoral Leta bilong ol Bisop bilong PNG long helpim yumi long inapim ol samplea nid insait long Archdaiosis bilong yumi.


Evangelaisesen em wanem samting?

Aim o astingting bilong Evangelaisesen em long “*bringim Gutnius i go long olgeta manmeri bai olgeta i ken kisim laip long en*” (Catechesis Tradendae, 18).

Evangelaisesen bai i karim kaikai taim man i tanim bel na i lusim sin na i mekim senis long tingting na hat bilong em na behain i tingting long bihainim Jisas. Taim wanpela i bungim Jisas husat i bin kirap long dai (Risen Lord) i ken mekim man o meri i mekim senis tru long hat bilong

Mi putim long lukaut bilong Maria Mama bilong Holi Rosari na Mama bilong Sios, Star bilong Solwara, Helpim bilong ol Kristen na Kwin bilong Sekhan na bel isi dispela bikpela wok bilong evangelaisesen wantaim ol husat i wok long skruim Kingdom bilong God taim ol i autim bilip bilong ol long Jisas Kraiss.

+ **Francesco Panfilo, SDB**



bilang lainim long het tasol, nogat. **Em i olsem yumi wok long bungim Man husat i stap laip insait long Sios**". (Porta Fidei, 11)

Mi laik lukim bikpela komitmen insait long ol peris bilong yumi olsem ol i wok long givim aut katekismo bilong Katolik Sios. Insait long Kristen Buk Senta bilong yumi i gat yet moa long 2,300 Katekismo buk long English na moa long 1,100 Katekismo buk long tok Pidgin.

Pinis

Ol trupela champion na witness bilong bilip em ol Santu na ol Blessed. "Wantaim bilip, ol Martir i bin givim laip bilong ol taim ol i givim witness long wonem samting i tru insait long Gutnius na i bin senisim ol na i mekim ol i bin inap long kisim dispela bikpela presen bilong laikim (LOVE): ol i pogivim ol birua bilong ol (Benedict XVI, Porta Fidei, 13).

Sios bilong Papua Niu Gini i ken toktok antap na amamas long tupela (2) Martir: Blessed Jon Mazzucconi na Blessed PitaToRot:

- **Blessed John Mazzucconi** i kam long Oceania wantaim tingting bilong evangelisim na long givim katekisis i go ol pipel long dispela hap. Wantaim Apostolic tingting na bel kirap bilong em, em i redi long lusim laip bilong em bilong stap witness bilong Kraiss.
- **Blessed Pita ToRot** em i klia eksempel bilong man husat i givim laip bilong em pinis long stap witness long Jisas. Em inapim vokeisen bilong em olsem wanpela katiket wantaim bikpela komitmen. Olsem katiket em i givim laip bilong em bilong lukautim na banisim tru sakramen bilong Marit bai i stap samting i holi tru.

Dispela tupela Martir i salensim yumi olgeta - ol odain minister, ol relijes na ol lay bilip man meri - long skurim wok evangelisesen na katekisis, bai yumi inap mekim Archdaiosis bilong yumi i stap olsem Katolik komuniti i stap laip tru insait long Kraiss.

Klostu nau yumi wok long redi long pinisim yia bilong Blessed Pita ToRot na long opim yia bilong Bilip yumi givim yumi yet long kamap ol gutpela witness, we tok bilong God yet i kirapim tingting na hat bilong yumi, baibai yumi inap long opim hat na tingting bilong planti i go long Jisas Kraiss bikpela bilong yumi.

em. Taim ol pipel i bilip na ol i mekim ol senis long laip bilong ol em ol i redi nau long Katekisis. Yumi mas mekim moa long evangelisim yumi yet na olgeta hap kona long laip bilong yumi na insait long sosaiti (society) we i no soim ol gutpela pasin (values) Baibel i tok long en.

Save bilong yumi olgeta i soim olsem taim yumi laik planim wanpela diwai yumi save redim graon pastaim na bihain yumi planim pikinini diwai na yumi kapsaitim wara long en bai em inap gro. Taim diwai i gat rop aninit nau, orait em i ken stap laip long em yet. Tasol sapos yumi laik bai dispela diwai i karim planti kaikai orait yumi mas putim planti gris long graon oltaim na klinim as bilong diwai. Long dispela hatwok tasol yumi save bai diwai i karim gutpela kaikai. Yumi save sapos yumi no lukautim gut bai em i no inap long karim gutpela kaikai.

Taim ol nambawan misinari i bin kam kamap long Niu Britein 130 yia i go pinis, ol i bin planim pikinini diwai. Yumi gat bikpela Tok Tenkyu i go long ol. Wok bilong planim pikinini diwai long taim bilong ol misinari em yumi kolim first proclamation o namba wan autim tok. Diwai em i gro nau, tasol em i nidim lukaut na kaikai. Yumi kolim dispela Katekisis.

Katekisis em i wanem samting?

Katekisis i gat tupela aim bilong em: "bilong strongim dispela nambawan bilip na bilong skulim ol trupela disaipel bilong Kraiss long bikpela save moa long dispela man – Jisas na tok bilong em". (Catechesi Tradendae 19). Yumi ken tok olsem tu Katekisis em i rot bilong helpim bilipmanmeri long save, tingim na selebretim misteri bilong helpim bilip manmeri long save, tingim na selebretim misteri bilong Jisas Kraiss na long stap pren tru bilong em, Katekisis i helpim pasin bilong tanim bel long gro na kamapim bilip i stap laip. ***Katekisis i mas:***

- ***Putim Kraiss olsem senta.*** Em i no mas i givim skul bilong em yet o bilongwanpela kain masta, nogat. Ol skul bilong Jisas Kraiss tasol (C.T.6). Em i bringim yumi long tingting oltaim long pes bilong Kraiss (NMI 16) na long stap pren bilong em.
- ***Gro i go insait tru long Tok bilong God.*** Kisim save long Baibel long ol taim yumi pre wantaim, na serim na stadi long en, dispela em i bun bilong Kristen laip bilong yumi. Santu Jerome i tok '*sapos yu no save long Baibel em i olsem yu no save tu long Kraiss*'.

- **Stap Melansesia tru.** Yumi usim save yumi gat o rot o wei yumi gat ol pasin yumi gat bilong kirapim ol pipel long soim bilip long trupela wei na bilong stretim ol hevi namel long kalsa na lotu.
- **Bihainim wanpela rot.** Ol i mas givim Katolik bilip olgeta long wanpela oda bihainim program.
- **Givim witness long kingdom bilong God.** Katekisis i karim kaikai taim ol Kristen i soim dispela amamas long stap laip wantaim Kraisis.

Ol lain bai i kisim Katekisis

Olgeta i nidim Katekisis long wokabaut wantaim ol long rot ol i bihainim long laip bilong ol insait long Kristen Komuniti, stat long bikpela manmeri i tanim bel pinis na i go long ol liklik pikinini i baptais pinis.

Planti taim yumi save ting olsem ol liklik pikinini tasol i mas kisim katekisis, tasol katekisis i bilong **ol bikpela tu** bikos long dispela hap bilong laip yumi i ken glasim gut bilip bilong yumi. Katekisis bilong ol bikpela manmeri em i aim long helpim ol bikpela manmeri long klia na bihainim dispela bilip ol i bin kisim long baptais. Yumi nid long strongim na developim na lukautim bilip bilong ol bikpela manmeri bai em inap long bringim lait, mining, na spirit bilong bung wantaim na hop long ol planti eksperians ol i bungim long laip bilong ol. Katekisis bilong ol bikpela manmeri em i nambawan bikos ol bikpela manmeri inap stap laip wantaim strongpela bilip.

Long dispela tingting mi laik mekim tingim yupela olsem katikumeneit em i soim tru katekisis bilong ol bikpela manmeri. Em i soim tru Katekisis o fomeisen bilong bilip bilong ol katikumen we i go wantaim literjikal rite ol i kolim Rite Of Christian Initiation of Adults (RCIA) o Rite Bilong ol bikpela Kristen Manmeri. Bikos em i bikpela samting tru bai olgeta manmeri i mas kisim gutpela Kriten fomeisen, Katolik Bisop Konfrens em i laikim olsem “dispela Katikumenet bilong ol nupela Kristen i mas go inap long wanpela (1) yia insait long olgeta daisosis bilong Papua Niu Gini na Solomon Ailen, tasol Katekisis bilong ol arapela Kristen husat i laik kam insait long Lotu Katolik, olsem ol: Anglican, Lutheran na United Church i no mas kisim wanpela yia olgeta”.

Bilong wanem na planti bikpela manmeri i bilip olsem ol i no nidim katekisis oltaim na ol i ting em i samting bilong ol liklik pikinini tasol?

memorization - ol toktok bilong Jisas insait long sampela hap bilong Baibel, ol 10-pela lo bilong God, tok bilip bilong ol Aposel, ol bekim bilong misa/lotu, ol bikpela pre, na long save long katekismo na pasin bilong “mekim mak bilong kruse” na ol hap tok olsem: “Amen”, i soim hau yumi ken soim stret bilip bilong yumi. “Wanpela bikpela samting em olsem ol wonem samting ol manmeri i tingim na ol i putim pinis long het ol yet tu i mas save gut pastaim long mining bilong en na bai i ken kamap olsem as tu bilong Kristen laip insait long laip bilong ol wanwan na komuniti olgeta” (C.T. 55).

Long dispela lukluk mi laik askim ol Pater na ol Katiket long putim ai long ol dispela samting:

- Ol papamama na was papa mama husat i bringim bebi na ol liklik pikinini bilong Baptais bihain long taim ol i kisim gutpela skul pinis, bai long taim bilong baptais ol tu i mas mekim kila gen promis bilong baptais.
- Husat ol i kisim komunio, bai ol i mas bekim strong dispela tok “Bodi bilong Kraisis” wantaim tok “Amen” na i no long pasim maus na bau (bow) isi tasol.
- Ol kendidet bilong Konfirmasio ol tu i mas autim gen promis bilong Baptais long ai bilong olgeta manmeri na ol i mas tokaut na opim maus strong na ol i noken prèt o sem. Moa yet dispela kendidet bipo long ol I oraitim em long kisim sakramen bilong Konpermasio em i mas save gut tru pastaim long Tok bilip (Nicean Creed) long pidgin.

Katekismo bilong Katolik Sios na Katekismo bilong ol Katolik bilong Papua Niu Gini na Solomon Ailen

Sapos yumi laik kamap long sampela gutpela wei bilong save long bilip bilong yumi, Pop Benedikt XVI i bilip olsem “yumi olgeta i ken painim insait long Katekismo bilong Katolik Sios em i olsem wanpela gutpela tul Tru tumas hia long katekismo, yumi ken lukim i pulap wantaim ol gutpela skul we Sios i bin kisim na i bin lukautim gut na tokaut long en, insait long 2000 yia histori bilong en. Straksa o oda bilong Katekismo bilong Katolik Sios i bihainim lukluk we bilip i bin stat long en i go inap long ol bikpela theme o tingting bilong wanwan de. Taim yumi opim ol page bilong en yumi painim olsem wanem samting ol i givim hia em i no samting

osisen Katolik Edukeisen Ko-odineitor, long save olsem olgeta stretpela relijies edukeison matirial i mas i stap, mi singaut long olgeta skul bod ol het bilong skul, ol tisa long givim ol sumatin long gutpela na klia relijes na kateketikal edukeisen. *Plis, noken lustingting long dispela wok.* Em i wok bilong yu (obligation) long ai bilong God, na tu long ol papamama na katolik komuniti olgeta.

Las tru, **ol lay association, ol movement na ol grup**, maski ol i gat aim long stap strong long bilip bilong ol insait long pasin bilong lotu na pre, na wok apostel, na wok marimari na wok helpim o long soim Kristen pasin long sampela kain lukluk bilong dispela graun.....em olgeta dispela i mekim wankain lukluk tasol em long givim skul long pasin bilong bilip. Dispela ol lay association, na movement na ol grup bai ol i inapim ol tingting na aim bilong ol na tu long sevim gut Sios sapos ol i givim gutpela religes training long ol wanwan memba bilong ol(C.T. 70).

Ol rot (Methods) bilong Katekisis

Sios i no talk long wanpela kain rot tasol bilong givim o skulim bilip. Em i usim ol kain kain wei we em inap long givim gutpela skul long bilip, na tu inap tru long inapim stret wonem ol kain kalsa ol manmeri I kam long en. Planti hap long Papua Niu Gini na hia long Niu Briten Ailan tu, yumi ken lukim olsem ol man i save long bilip through long pasin bilong **stori**. Dispela em ol namba wan wei bilong givim toktok na bringim toktok namel long ol pipel bilong yumi. Taim yumi mekim Katiketikal riniuel yumi mas usim kain wei olsem stori we kalsa bilong yumi i gat luksave long en.

Long dispela lukluk, yumi olgeta i save long wei ol yangpela bilong yumi i save laikim tumas long mekim drama o act bihainim ol stori bilong Baibel long Olpela Testamen na moa yet bihainim laip bilong Jisas long Nupela Testamen. Dispela ol drama, song na danis em i ken kamap ol gutpela kateketikal lesan tu. Yumi nid long helpim ol yangpela long mekim gut ol drama, song na danis bai ol i ken kamap moa gutpela na stret long lukluk na harim bilong olgeta. Yumi mas mekim ol Kateketikal program bilong yumi long sampela kain wei we i pulim ol manmeri long harim na i lidim ol long save long Jisas husat i gutpela poroman na i ridima, wantaim long wok bung bilong ol narapela tu.

Yumi noken lustingting long **pasin bilong “tingim na putim long het”** -

Ating bikos ol i no bin kisim gutpela kateketikal fomeisen taim ***ol i bin stap liklik pikinini o yangpela man na meri***. Sapos ol Kateketikal program bilong ol pikinini na ol skul mangi na ol yut na ol yangpela manmeri i kamap gut orait ol bikpela manmeri bai i pilim olsem ol i gat nid long developim bilip bilong ol olgeta taim. Eksempel, ol yangpela manmeri i nidim wanpela spesel katekisis we em i ken lukluk long ol hevi bilong ol yangpela olsem: long fomim konsens (conscience) bilong ol, kisim skul bilong save long trupela laikim, redim ol long stap gut na wok insait long society na helpim vokeisen. Long dispela lukluk mi pilim olsem katekisis bilong redim ol manmeri bilong kisim sakramen bilong Baptais, nambawan konpesio na komunio, konpirmasio na marit em yumi mas putim i nambawan na yumi mas lukluk gut long en.

Dispela konfrens bilong ol Bisop i mekim tingim yumi gen olsem Sios, “yumi noken lustingting olsem, yumi olsem Sios i kisim singaut bilong Bikpela long lukluk long ol manmeri i stap tarangu olsem ol: disable, ol lain i gat bikpela sik na ol lapun, na lain ol manmeri i save luk daon long ol, na ol lain i pas tumas long drug (drug addicts), ol kalabus manmeri, ol lain i gat HV/AIDS na ol lain i salim bodi bilong ol long kisim mani (sex workers), ol wokmanmeri, ol professional (ol manmeri i gat nem), ol memba bilong parliament, ol memba bilong ol disciplinary forces (olsem ol polis, ami, woda na ol sekuriti), ol artists na ol sumantin bilong ol Universiti na ol lain husat i lusim bilip Katolik, na planti moa: yumi olgeta i gat singaut long redim gutpela katiketikal program tude. ***I mas gat program na katekisis bilong ol katolik husat i bin lusim lotu Katolik, na i laik kam bek gen long Katolik Sios***”.

Katekisis em i important tu long ***ol lapun***. Long ol lapun husat i gat gutpela strongpela bilip em katekisis i inapim tru wokabaut bilong bilip bilong ol. Long ol narapela we bilip laip bilong ol i no bin strong bikos Kristen laip bilong ol i no bin strong, katekisis long ol, i save kamap olsem taim bilong kisim nupela lait na relijes eksperiens.

Ol Minista bilong Katekisis

Katekisis em i wanpela responsibiliti bilong Kristen komuniti olgeta bikos wei bilong lainim na kisim save long bilip em i mas wari bilong komuniti olgeta. Taim komuniti i mekim wok bilong Katekisis, komuniti i save stap strong.

Tasol insait long Kristen Komuniti ol **Bisop** i gat nambawan responsibiliti. Blessed Jon Pol II, insait long Catechesis Tradendae i tokim ol Bisop olsem. “Nambawan wok bilong yupela em long mekim kamap na lukautim gut insait long Sios bilong yupela dispela trupela laik bilong kisim katekisis, laik we i stret na i kamapim gutpela ogenaiseisen we i lukluk long ol kain samting olsem; long putim ol man meri husat ol inap long mekim dispela wok, wantaim ol samting yumi nidim na mani na ol narapela risoses tu.. Yu ken save stret olsem sapos ol i mekim gut katekisis insait long lokel Sios bilong yu, olgeta arapela samting em bai i isi long mekim” (C.T.64).

Olsem na mi laik tok bai mi traim wantaim olgeta strong bilong mi long mekim tru dispela wok we Bikpela na Sios i putim long lukaut bilong mi.

Insait long wok katekisis, **ol Pater** em ol nambawan lain bilong helpim Bisop. Vatican Council i kolim ol olsem “ol lain bilong givim skul long bilip” (P.O. 6). I no gat narapela wei gen bilong kamap gutpela ol man bilong givim skul long bilip sapos ol ino givim ol yet olgeta long lukautim na kamapim gro bilong bilip insait long ol komuniti.

Long yupela ol Pater bilong mi, mi laik bihainim wanpela tok Blessed Jon Pol II i bin givim long ol Pater olsem: “olgeta bilip manmeri i gat rait long kisim katekisis na ol pastor i gat wok long givim dispela ... wantaim dispela mi askim strong yupela ol minister bilong Jisas Krai: Noken tru long lusim ol bilip manmeri nating na ol i no kisim gutpela Katekisis bikos long ol sampela arapela kranki tingting i mekim yupela i lusim ol olsem tasol. Noken tru. Yumi noken larim ol i tok olsem, “Ol pikinini i askim long kaikai na i nogat wanpela i givim long ol” (C.T.64).

Yumi olgeta wantaim ol Bisop na ol pater, **ol relijes (Consecrated men and women)** i mas lukim olsem ol pipel bilong God i kisim ol gutpela skul ol I nau stap strong olsem ol Kristen manmeri. *Na tu long yupela ol relijes bruda na sista, mi laik bihainim hap tok bilong late Pop olsem: “Long insait bilong mi olgeta mi laik kirapim gen yupela na strongim yupela long redim yupela gut long mekim wok bilong givim Katekisis bihainim ol lukluk bilong wanwan vocation insait long ol Kivung tambu bilong yupela wantaim wanem kain misin ol i salim yu long en; na yu mas mekim long olgeta hap yu go long en” (C. T; 65).*

Ol katekist (man na meri) ol i helpim gut tru insait long wok bilong givim

ol skul bilong bilip. Planti taim wok bilong ol I ino save gat bikpela luksave long en tasol ol i save mekim gut tru wantaim olgeta laik na tingting na strong bilong ol. Hamas long yumi i bin kisim long han bilong ol dispela ol manmeri ol nambawan skul bilong yumi long katekisis na long redim yumi bilong kisim ol sakramen bilong konpesio, na nambawan komunio, na konpermasio! Olsem na yumi ken tok long wok bilong ol katekist olsem “ol i man o meri bilong skulim bilip”.

Ol ples we Katekisis i kamap long en

Ol i ken givim katekisis long olgeta kain ples, tasol ol ples stret we katekisis i save kamap long en em: **famili, peris, skul na insait long ol ogenaiseisen.**

“Kateketikal ektiviti bilong **famili** i gat spesel wok na ples bilong en, we yumi ken tok olsem i no inap bai yumi ken senisim” (C.T.68). *Ol papamama* i nambawan tisa long skulim ol pikinini long bilip. Wantaim ol narapela memba bilong famili ol i kliaim insait long haus ol **Kristen** o relijes samting olsem wanpela taim i kisim ol sakramen, o taim ol i selebretim ol bikpela pestode, o taim mama i karim nupela pikinini o taim i gat dai insait long famili, na planti moa(etc).

Planti katekisis i save kamap insait long **peris** bikos long peris em ol komuniti bilong ol bilipmanmeri i save bung bilong soim, na selebraitim na groim na strongim bilip bilong ol. Insait long peris *ol Liklik Kristen Komuniti* em tu i hap tu bilong givim katekisis. Na i tru yet, “insait long ol Liklik Kristen komuniti ol i save bung oltaim bilong serim bilip bilong ol na long dispela ol i mekim wok bilong katekisis”.

Insait long **ol Katolik skul** relijes edukeisen na katekisis em ol bikpela hap bilong fomeisen bilong man na long Kristen fomeisen bilong ol yangpela manmeri. Bikos katekisis em i nambawan samting long laip bilong ol pikinini long taim ol i wok long gro, i gutpela bai Katekisis i mas kamap long olgeta kain skul bilong yumi, stat long Elementri, Vokesensel Trening Senta, Secondary na ol Tertiary skul baibai ol i lukim religen olsem wanpela subjek i gat wankain lukluk olsem ol arapela subjek.

Mi luksave olsem em i wok bilong Bisop, insait long wok bilong Di-